

明

詩

紀

事

明詩紀事

貴陽陳田輯

乙籤

王穀
十六首

紱字孟端無錫人洪武中徵至京師尋坐累戍朔州
永樂初以善書供事文淵閣除中書舍人有友石山
房稿五卷

四庫總目紱博學工書畫所作山水竹石風韻淵灑妙
絕一時說者謂可繼其鄉倪瓈其詩雖結體稍弱而
清雅有餘蓋其神思本清故雖長篇短什隨意摘染
不盡計其工拙而擺落塵氛自然合度
儼山集國朝墨竹最擅名者金陵王孟端中書婁江
夏仲昭太常婁江出於金陵其後畧變然瀟灑絕俗
中書爲多精神氣力大常亦自能到
匏翁家藏集畫家惟墨竹頗寓書法近時得其妙者

莫過於二士。梅山人四部稿，孟端竹爲國朝第一手。有石室居母一，事其道人遺意而清標高格，又似過之。余嘗記其幅之言：我遣其一條素厚黔公者，使致之曰：姑以是塞公意。以爲黃端卻其幣，其二月夜聞都笛乘興，畫幅竹訪遺題尾，知爲鶴山樵也。清思直撲人眉睫間，應接不暇。至下臘，中富邱壑也。吾東吳菰蘆人步武之外，皆卷中境。爲太宰之暇時，復作吏不覺。自遠聊置此卷案頭，於春明退展看，不令衿裾煙霞色盡也。卷初屬陸文正篆額，吳文定題字，邵文莊作歌，其名士所推如此。

李日華恬淡，當時乞李文正篆額，吳文定題字，邵文莊作歌，其上所推如此。

柯之雄無其仇浪，酌多寡濃淡，而爲之是以有倪之逸，無其疏野。有六研齋二筆，王孟端寫竹於倪徵君柯博士兩家，耐超出幼文天游之上，而與叔明並駕。平生所絕少者，軒居士王達一詩亦佳，詩曰：萬古山川一鑑，開層

層曲曲見樓臺雲隨曉月峯前墮鷗逐春溪樹裏來
兩岸落花人蕩槳半汀殘雨客銜杯賓區何處有此
地物外四時無點埃豈但石軍多筆法要知黃石是
仙才奔灘觸浪非賴鯉絕壁凝嵐護翠苔玉室金堂
疑太華紫芝瑤草憶蓬萊相看六月不知暑一榻清
風真快哉

無聲詩史孟端自號九龍山人又號友石生志氣高
逸工古詩歌尤善山水石竹每酒酣對客著黃冠眼
意氣傲然伸紙攘袂揮筆灑灑奇怪跌宕不可名狀
畫已徐吟五字詩蕭然有風人之致

因樹屋書影王孟端詩畫雙美近見其詩集百餘篇
聲律不在高楊張徐之亞如舊業暫歸翻似客異鄉
重到即爲家通仙要得懸壺術遺世聊存荷鉢風草
色池塘看細雨杏花簾幙動輕寒鳥從萬木陰中響
人在亂山深處行皆意新而調逸不獨筆墨工竹石

田按九龍山人畫品超絕詩亦別有風趣稍錄其矜
練之作如讀一幅著色雲林畫也

雨中過歐陽編修館題竹木畫上

我生本寂寞況茲久羈旅偶君素心人來往迭賓主秋聲動

高樹暝色渺煙渚孤館坐題詩蕭蕭正風雨

訪陳羽士道甯因贈

我生樂夷曠幽抱常沖虛偶客京華塵不異林泉居時來訪
仙侶相與論道書凝神入無象妙觀天地初物我旣莫立孰
謂形迹拘吹笙碧桃春天風動霞裾孤雲度碧落六合乃吾
廬出門感羣動役役將何如

爲游伯璣題靜觀卷

羣動日擾擾何由止羇煩我心一以靜庶或澄其源天高四
山寂日落孤雲驚至理無不在朝市同邱園君應領斯妙吾
亦忘吾言

送松溪宰周景辰調連城

君從松溪來又復連城去宦游若漂萍流轉那能住百年多
遠別握手幾惓遇況茲當暮齡幽抱復難慰都門一杯酒回
首知何處天南與天北相思渺雲樹

題畫

衡門掩秋色苔徑淨無塵人迹雖罕至簡編良可親修篁度
涼颸高梧落繁陰時應散幽寂采蘂過中林

過華叔端草堂寫晴竹於壁上

我愛君家遠城郭遶檐竹色侵簾幙醉中揮灑寫晴梢湘雲
一翦春陰薄看來頓覺風氣清耳邊恍若聞秋聲嘯歌到晚
不歸去高卧翠陰呼月明

題畫

結屋千山萬山裏軒窗四面峯巒起捲幔晴招嶺上雲烹茶
夜汲巖前水二三高人同素心杖藜時復來幽林抱琴相延
坐亭上一曲雅諧山水音屋頭隙地肯相許願作比鄰共遊
處勝採松花釀玉醪更覓黃精斬春雨

野航

踪跡渾無定生涯一葦輕自應耽野趣無復重浮名汀草斜
陽晚鷗波細雨晴不因時賣卜那肯泊江城

寄潘子安

潘郎豪且逸佐郡上瞿塘縱酒官情薄耽詩野興狂才名雖
藉甚家業已荒涼聞說喬公女駕鴛洞房

田按子安爲夔州同知余旣據明風雅敘之於子安
仕履下矣今得孟端寄子安詩云潘郎豪且逸佐郡

上瞿塘佐證益明又檢洪武實錄十八年以河陽衛指揮僉事潘進爲雲南右衛指揮同知進和州人子安其猶子也張子宜有送子安歸河陽序向疑子安和州人何得云歸河陽今乃知其隨宦遊因流寓河陽也補錄於此子安名仁詩別見甲籤二十卷

爲劉竹深題雲山圖

白雲縹渺山嵯峨幽人茅堂巖澗阿玉田瑤草燧煙碧落花
流水春風和采松釀酒正堪醉掃石弄琴還自歌何當結鄰
成兩叟杖藜日日頻相過

題真上人竹茶爐

僧館高閒事事幽竹編茶竈瀘清流氣蒸陽羨三春雨聲帶
湘江兩岸秋玉臼夜敲苔雪冷翠甌晴引碧雲稠禪翁託此
重開社若個知心是趙州

邵寶容春堂集洪武壬午春友石公以病目寓惠山聽松庵日愈圖廬山於秋薄軒壁其友潘克誠氏往觀之於是又有竹工自湖州至庵僧性海與友石以古制命爲茶爐友石有詩詠之一時諸名公繼作成卷永樂初性海住虎邱留以爲克誠別蓋在潘氏者六十餘年成化間楊謨孟賢見而愛之撫玩不已潘之孫慨然曰此豈珍於昌黎之畫而吾獨不能歸諸好守者乎乃以畀孟賢孟賢卒之三年秦方伯廷詔以郡守報政還自武昌遂爲僧撰疏語白諸孟賢之兄孟

謂裁凌秋之澗竹製煮雪之茶爐遠追桑苎之風近
爲第一圖一時唱和萃爲竹爐清咏王耐菴達序所
謂裁凌秋之澗竹製煮雪之茶爐遠追桑苎之風近
爲田按聽松庵竹爐孟端旣聲之於詩復圖之於卷是
移席虎邱竹爐爲潘氏所得又轉而贈之楊氏成化
丙申秦方伯夔疏乞於楊氏旣得作聽松庵復竹茶
爐記是一時好事者倡和成卷明年丁酉有吳理者
復圖之是爲第三圖國初有竊孟端圖者下者
寺僧乾隆辛未得高宗南巡駐蹕惠山於顧鼎莘
張宗蒼圖之是爲第四圖命畫苑臣還之
邱漣取入官屏不戒於火名山鉅躡了無一存
高令

茶經當勒銘秦漢詩云烹茶只合伴枯禪誤落人間
五十年華屋夢醒廬冉冉湘江魂冷月娟娟歸來白
璧元無玷老去青山最有緣從此遠公須愛惜願同
衣鉢永相傳高直詩云竹爐還復聽松禪老眼摩挲
認往年潤帶茶煙香細細冷含蘿雨翠娟娟已醒萬
劫廬中夢重結三生石上緣五馬使君題品後一燈

相伴永
流傳

登盱眙山

縣郭高臨紫翠閒泊舟乘興一躋攀荆揚南望無多路淮楚
西來第一山僧舍徑幽松影合水祠碑在蘚痕斑登臨不用
悲今古渡口寒潮日往還

送陳尙賓還靖州

嗟余湖海度年華爾復飄零更可嗟舊業暫歸翻似客吳鄉
重到卽爲家江連雲夢孤帆遠日落衡湘斷雁斜後夜月明

何處泊相思回首各天涯

登劍閣望京華作

一上高臺首重回五雲何處是蓬萊帆隨雁影天邊去人共
春光日下來淮甸煙消平似掌河流冰泮碧於苔翠華行幸
應非遠佳氣氤氳繞上台

峽中題詠

峽裏江山總絕奇推篷不厭去帆遲重來恐忘經行處一處
經行一處詩

靜樂軒

秋聲早已到梧桐露氣涼生湛碧空獨倚欄杆待明月紫簫
吹散木樨風

陳繼一首

繼字嗣初吳人經歷汝言予以薦授五經博士領弘文館事進檢討有怡菴集十五卷

南深詩話鄉先生陳太史嗣初嘗云作詩必情與景會景與情合始可與言詩矣如芳草伴人還易老落花隨水亦東流此情與景合也雨中黃葉樹燈下白頭人此景與情合也

姑蘇志繼爲人端恪其學經史百氏皆博考深究文章根義理謹體製嚴矩不肯苟率一時稱爲作者馮仙湜圖繪寶鑑續纂陳嗣初以文章擅名翰林寫竹尤奇夏仲昭張士謙皆師事之

遠歸圖

杜宇一聲春盡楊花千里人歸半掩東風羅幕任教雙燕飛飛

謝縉

十四首

縉一作晉字孔昭吳人自號蘭庭生亦號深翠道人

有蘭庭集

姑蘇志謝晉號葵邱工畫山水重煙雲千幅不同尋丈之間不日而就亦能詩無聲詩史孔昭善山水得其賓渺深意而構體落勝態各不同又善詩田按孔昭畫流傳甚少詩特蘊藉在宋人中似陸游一派

題畫

逍遙西澗翁邂逅南垞客爲解杖頭瓢坐飲林下石微醉兩忘還秋山竟云夕

晚春用楊孟載韻

水淹榆莢半堆牆細雨生寒潤衿裳芳草欲迷樓外眼暮春應斷客邊腸風簾靜捲繁飛絮煙篆微銷過午香睡起不知

庭院晚陰陰高柳映斜陽

早春過望亭驛

遠墅清煙散綠蘋推篷起坐整烏巾野花開處多臨驛水鳥飛來似送人愁裏聽窮三日雨客邊吟到一分春今朝已有尋芳客來往東風陌上塵

丹徒灣暮泊

浦澈春潮去復回客舟風阻未能開半篷殘雪留寒在幾樹斜陽送晚來望遠心隨雲影度思家愁聽雁聲哀京師準擬明朝到先向江中酌一杯

秋日江村卽事有懷沈秀才

涇上菰蒲接渚田江村風景漸淒然西鄰夜靜聞春稻南浦

秋深罷采蓮遷客暫歸仍遠別野人多病只高眠明朝風雨
重陽節依舊孤吟向菊邊

題芭蕉仕女圖

新涼未欺扇弱質自先怯芳思無人知金風動蕉葉

題清陰谷

幽谷夏已深槐柳陰初合清晝落花風禽聲自相答

題輞川圖

本蘭柴近辛夷鳴芳樹高高接翠陰回首輞川裴迪老不知
誰與伴行吟

題北郭

小巷人家半掩扉綠陰相映柳依依莫言飛絮身無定纔得

沾泥自不飛

溪上晚步

一樹閒雲一逕苔板橋南去草堂開平生未了尋幽債不爲
看山也自來

題秋江待渡

鷗衝秋色去沙尾人背夕陽歸渡頭我亦有家湖水曲便須
乘興上扁舟

春日寫懷

好懷無復似前時一半春過尙未知惟有白門橋下柳見人
憔悴也顰眉

春思

東風吹雨正廉纖春色和雲壓四檐聽到鶯聲殘醉醒杏花

香底坐鉤簾

題畫

楊柳人家白板扉蘋花閒處水禽飛扁舟記得江鄉路蟹簖
魚罾對夕輝

趙迪

人首

迪字景哲懷安人自號白湖小隱有鳴秋集

國雅趙山人景哲與洽情真固是逸才如殘雨挂空江濛濛若千里暝色夕鳥前寒聲暮猿裏又飛花香度樓前模高柳涼生枝外峯此例佳甚徐勦鼇峯集鳴秋先生系出宋室林尙默爲序未嘗談及讀其寫懷詩有云衣冠有恨先王後家世應從南渡來則先生誠天水之裔弟未敢何王之後耳再讀鄭公望輓鳴秋詩有白湖小隱入雲間之句則先生又隱居白湖其子姓今未知誰是也

田按明初有二趙迪余旣錄宜陽趙迪詩入印鑑景哲岡人詩格修整五言尤有遠韻善畫山水學米南宮見閩

畫記

麟次臺集宴送馬自牧歸館

盍簪陟崇臺憑高豁千里清尊屬離人年光若流水浩浩江海心悠悠雲山意天空鳥影寒日落秋聲起對此渺予懷惄情自茲始

林塘幽趣

芳林晚更佳積水春仍綠沈沈碧若煙汎汎清如玉微茫輞川莊隱映山陰曲幽人獨去來涼月下修竹

禪岩夕照

空岩夕照來寒入野僧定歸鳥帶殘光連雲渡蘿逕禪房掩

暮山楓林起煙磬
幽人獨去來凭軒足清聽

題雨竹

黃陵日已昏
蕭瑟涼颺起
殘雨挂空江
溟濛若干里
暝色夕鳥前
寒聲暮猿裏
應知葉上秋
盡入湘潭水

南樓奇觀

樓居有仙客
隱約白雲中
當戶山光入
鉤簾海色通
江清螺女渡
臺占越王宮
風景今非昔
憑高思不窮

過賈誼宅

故宅荒涼倚碧岑
寒雲漠漠跡難尋
書沈湘水情何極
鵬賦長沙怨已深
空館無人噦鳥到
閒門有逕碧苔侵
可憐前席今千載
惟有清猿自嘯吟

白蓮花

素質盈盈粉未乾翠錮漠漠露光殘湘靈環珮雲中降洛浦
風神月下看玉管聲沈涼雨夕羽衣香度碧波寒遙思入社
人千載吟對清秋獨倚欄

題山水

江上千峯紫翠浮松門苔徑映清流茅堂雨絕湘簾暝卧聽
空山一夜秋

虞謙

三首

謙字伯益金壇人洪武中由太學生擢刑部郎出知
杭州府永樂中召爲大理少卿進都察院左副都御
史仁宗卽位改大理寺卿有玉雪齋稿

東里集伯益以詩名於時喜寫山川木石幽淡簡遠

有倪雲林風致
畫史會要謙家多蓄法書名畫公餘寫金錯刀竹
無聲詩史伯益畫竹石與夏太常齊名

過湖州苕溪驛

吳興山水窟公館一座無雲氣來天目溪流入太湖蠶成供
歲用菱熟當秋租樓閣煙霞外猶堪入畫圖

丹霞真館

華陽山裏遊三日清氣逼人渾欲仙偶到丹霞亭子上抱琴
和月瀉松泉

會稽道中

茂林修竹映飛湍十里青山馬上看正是一年寒食候落花
吹雨不勝寒

陳登 一首

登字思孝長樂人仲進子以薦爲羅田縣丞改蘭溪
又改浮梁永樂初以能書居翰林擢中書舍人有石

田吟稿四卷

東里集永樂甲申詔吏部簡能書者儲翰林思孝以
篆籀最先至時吳中膝用亨待詔翰林工篆籀自視
天下無愈已者且侍春秋高輕後進往往折屈之
人廣坐中思孝就用亨語之及許叔重者十數事相
辯難用亨乃始默然不復自矜時四明王尹寶篆書
擅名海內考據精博亦推思孝於六書本原精
考詳究周秦以來石刻雖殘缺剝落歲月既久無可
考審度其出某代某人率中七八其收蓄之富歐陽
文忠趙明誠之後所僅見朝廷大篇卒出其手
田按祝允明書述稱二陳壁傷矜局登略上之又謂
程氏父子篆隸擅名斯業既鮮不得不與考南雲篆
法原出思孝蓋皆不甚與之也西楊瑞思孝考據精
博收蓄石刻爲歐趙後所僅見惜未著一書以爲
者據余檢福延通志錄閩人書述僅及思孝石田

吟稿四卷其他無
聞是可深憾耳

送朱文岡還朔州

都門秋欲盡雨雪已霏霏顧我同爲客憐君未授衣計程還
朔漠歸思繞庭闈別去重回首長空一雁飛

馬軾一首

軾字敬瞻嘉定人欽天監刻漏博士

張日永吳中人物志馬軾精繪事與戴文進謝廷循
同擅畫名於京師

奉餞季方先生

灤江江上水悠悠送客江邊莫上樓五嶺瘴高煙蔽日兩孤
雲瀨雨鳴秋豐城劍氣東南起合浦珠光晝夜浮祭罷鱸魚
歸去晚刺桐花外月如鉤

劉鳳續吳錄馬軾以刻漏博士從征廣右讀書負氣
工詩善畫天順初岳正左遷欽州親知無敢及門軾
獨爲詩送之其畫高古有法遂掩其人
詩數馬軾者不知名而詩鈔載其送岳季方詩格特
高華雄俊足爲嘉隆

前驅不可以名取也

陸瞻一首

顧字伯瞻揚州興化人楚府伴讀閩第洪武中舉明
經授禮部主事永樂初與修太祖實錄奉使朝鮮有

頤光集

畫史會要陸
顥能畫人物

送別

芳草如煙驛路遙東風催別鳥聲嬌離人一去來何日不及
春江有定潮

金湜二首

湜字本清鄞人正統辛酉舉人授中書舍人遷太僕丞有皇華集

無聲詩史金湜號朽木居士善書法寫竹石甚佳其
鈎勒竹尤妙
雨上耆舊集倪味易與金太僕交最深味易年八十
生而舉殯擬陶公自祭杜牧之志墓亭縣像設奠延
慶寺爲詩自挽羣公皆屬和太僕別畫竹題一詩相
寄曰先生舉殯吾爲寫生其詩有言舉世稱高士
天合少微昧易得之大喜其作達如此
田按本清歸田後與洪郎中常虛給事瑪嚴員外端
宗員外佐周布衣紳章布衣珍宋布衣恢張布衣傑
倪布衣光李布衣端鄒通判閻王布衣政周理問頌
余賓周愷陳渭等十八人爲高年社會倪光有懷金
太僕詩云詩社幾人在湖山空月圓紀其事也社中
詩不盡可傳李杲堂所謂諸公皆解外膠略世事身中
當太平之日從容吟唱良足誌也余擇其詩之雅令
者錄四人其有句可採者洪常宿方丈云花外雨腥
龍出鉢松閒雲燒鶴歸巢周祐送人還滇南戍所云

楚江樹色經寒早巫峽猿聲向晚多

李端送日本僧

歸國云已向植林修白業更攜瓢曳青山本清有遊天童寺過中峯云滿地竹陰人迹少四檐花氣鳥聲聞皆琅琅可誦

題竹

四明山下一綸巾把筆會爲竹寫真莫怪老夫輕自許湖州太守是前身

題延慶寺畫竹

一竿瀟灑玉玲瓏湘圃淇園在眼中過客莫嫌枝葉少纔多
枝葉便多風

甬上舊集太僕晚年常過湖南延慶寺爲畫竹一紙懸諸寺壁後時過之輒題一絕積至十首及垂老復遊寺中見尚有紙素一方欣然命筆曰草堂南北路高低林下相逢日又西只爲詩多不暇竹幾番題過又重題後遂不復過今此畫爲好事家所得先輩人風良足愛重也

俞行之一首

行之字文輔清江人

水東日記清江俞行之永樂中有能詩盛名其題清
慎齋句曰夜門無客敢懷金秋屋有情甘欲水惜不
多見

題顧師顏西湖圖

秋來碧水湛平湖荷葉菱花取次枯惟有斷隄殘柳樹深煙
猶鎖亂曉鳥

謝庭循一首

庭循名環以字行永嘉人永樂中供奉內廷宣德中
授錦衣千戶有夢吟堂集

東里續集謝庭循知學問喜賦詩善畫師張末起永
樂初年召在近禁宣宗妙繪事供俸之臣特重庭循

恆侍左右

畫史會要謝庭循山水宗荆浩關全米芾

杏園雅集

聖人贊元化羣彥佐休治旣睹斯民康更愜庶物遂良辰際
休沐逍遙縱嘉致園杏羅文錦庭柯織空翠君子興好懷觥
籌亂無次仰聽金石章俯飲不知醉託情寄簡素聊卽今日
事

田按杏園雅集

事詳

王直詩後

吳餘慶

一首

餘慶字彥積宣黃人永樂中以薦除中書舍人

田按餘慶永樂中以善書薦
評者謂其楷如美女簪花

樂靜集韋蘇州句贈謝庭循

端居無所爲尊酒遺形迹秋齋正蕭散悄然羣物寂雨餘山
景寒雲澹水容夕高宇亦遐明心神自安宅披襟始高詠卽
事翫文墨物累誠可遣偶遊方自得恨然川光暝俯砌視歸
翼

姚黻 一首

黻字廷章嘉興人有可閒集

構李詩繫姚黻能寫生山水宗岳雪樵工詩與陳顥
韓永倡和人以可閒先生稱之

過友陶舊宅次南野韻

蕭蕭茅屋冷溪濱晚歲孤松雪色新鄰笛不須哀日暮就中
多是斷魂人

沈遇 一首

遇字公濟號臞樵吳人

杜瓊東原造集臞樵作水墨山水師夏圭馬遠淺絳色法李唐深色則全真趙伯駒皆能咄咄逼真。畫史會要沈遇山水宗馬遠無聲詩史沈臞樵善畫山水其所居雅趣堂多列圖史衣冠古雅有晉唐風致與吳文定公寃爲石友文定每得其畫必寶藏之其歿也文定有詩悼之云秣陵春色厭驅馳投老吳門白髮垂燈下解衣盤礴處山中持斧嘯歌時一貧比愚原非病三絕如虔不數瘞落日高堂閑障子雪峯煙樹使人悲沈石田云臞樵沈公以善畫山水人物名於宣德正統間嘗徵至京師比還學者益眾先君同齋處士適常師之家世所藏雪圖乃先生得意之作暇日弄華有竹莊偶得匹紙乘興臨一過極知唐突第子少常給事左右頗知公用筆之意故亦不敢自讓恨先君不及見耳頗田按公濟畫流傳者少余見王石谷畫本每綴臞樵雅趣四字印章其爲畫流傾慕如此

秋夜宿東白啟師方丈

竹屋滿秋庭蕭蕭涼氣早孤燈照跏趺高僧坐來曉風清鶴

夢醒雲淡鍾聲杳塵世永相忘心空寂緣了

杜瓊

二首

瓊字用嘉吳人自號鹿冠老人又號東原耕者門人

私謚曰淵孝先生有東原遺集二卷

王鑒震澤集東原好爲詩喜畫山水人物故其詩於
評畫尤深

楊循吉吳中往哲記東原詞翰與人品俱重善畫層
樹疊嶂師董源

王穉登丹青志淵孝先生明經博學家貧道尊貞淡
醇和粹然爲山林之表畫亦遒麗

畫史會要鹿冠道人畫沈啟南父恒吉師之
無聲詩史杜原畫效南唐董北苑元王叔明

珊瑚網杜東原題自畫山水云紛紛畫債未能償日
日揮毫不下堂郭外有山閒自在也應憐我爲人忙

東原得朱長文樂圃東偏地結亭聚石號曰東原故
曰郭外有山然云日日揮毫而所存者無幾余僅有

其玄墓看梅圖做趙善長山水而已

田按東原題畫詩云山水金碧稱二李水墨高古推

王維又云諸公盡行納川派蓋謂宋元以來作家上氣皆備者必導源於納川也可謂得畫宗旨又云友石臞樵真仙骨落筆自然超等夷莫邱炯漫文鼎潤獨醉獨數寒林枝縣州寫意最深遠數月一帧非爲遲考文鼎姓金號尚素生獨醉史公謹別號也蘇州姑蘇復官湖州守皆同時畫家也

題畫

陰雲翳喬松宿露栖芳草孤亭人不來春風自噦鳥

柯九思竹

奎章閣下職綸思猶有餘間埽鳳枝明日江南歸去後杏花

春雨筍生時

沈貞吉

三首

貞吉名貞以字行號南齋長洲人

吳中往哲記沈氏二先生曰貞吉曰恒吉相城故家皆工唐律兼善繪事每賦一詩營一隨必累月閑暇

乃出不可以錢帛購取故尤以少得重家庭之間自相唱酬下至僕隸悉諳文墨並年八十餘丹青志沈貞吉恆吉二處士並善丹青風格明秀凜

鏡相映時謂趙文敏同流恆吉之畫師杜微君瓊

清河書畫舫貞吉畫師董源可亞劉廷美其弟恆吉

更虛和瀟灑不在宋元諸賢下第其遺迹絕少故不

爲世所知

清河書畫舫貞吉畫師董源可亞劉廷美其弟恆吉

更虛和瀟灑不在宋元諸賢下第其遺迹絕少故不

爲世所知

清河書畫舫貞吉畫師董源可亞劉廷美其弟恆吉

九月桃花圖

花發年年二三月今年九月見芳英一枝借得春消息莫道東風不世情

題畫

錦帆逕上千年寺水殿雲廊半不存只有老僧明月下立當清影夜敲門

題畫贈沈臘樵先生

春山如黛柳如煙罨畫樓臺小洞天容得踏雲雙短屐碧桃
花裏訪臘仙

沈恆吉

一首

恆吉名恆以字行號同齋貞吉弟

題劉完菴畫

十載天涯作宦遊黃塵飛滿紫貂裘歸來不歎長途險猶寫
關山萬里秋

田按完菴此圖著錄于氏式古堂書畫集考及安氏
墨綠筆觀題曰清白軒圖完菴自題云戊辰孟夏湖
日西田上人持酒肴過余清白軒中相與燕樂悅若
致身埃墟之外酒闌上人乞詩畫爲別送接筆成此
以歸之先得詩者座客薛君時用也別有沈孟淵馮
蓀薛英及同齋四詩乾隆中安氏書畫入內府
此圖與洞

劉珏 一首

珏字廷美長洲人正統戊午舉人除刑部主事遷山西按察使事有完菴集

寓圃雜記吾鄉劉廷美僉憲薄於仕宦雅愛作詩京師稱爲劉入句年方五十卽乞致仕成化初璣臺邢公宥爲郡守以梅華求題廷美賦絕句云嵐寒相見在天涯玉色珠光帶露華笑殺元都狂道士桃花何不起稅民心頗怨有以舊詩刺之曰量盡沙邊到水邊只留滄海與青天漁舟若過閒洲渚爲報沙鷗莫浪眠邢公聞之以爲廷美所作大怨或勸往白廷美曰彼奈我何後廷美之卒邢公弔祭皆不往人多非之此詩蓋宋人刺賈似道者邢公不察也蘇材小纂劉廷美畫山水煙嵐草樹縵渺幽迥有董丹青志僉憲劉公寫山水泉深石亂木秀雲生縵密幽媚風流萬然高者攀鱗巨老庶乎升堂特未入室耳

六硯齋筆記劉完菴以參蒲政家居畫園寄傲做

唐盧鴻一草堂圖自爲繪冊十幅曰籠鵝閣月廊
四嬪娟堂螺龕玉局齋嘯臺扶桑亭衆香樓繡鍊堂

旃檀室各系以詩沈石田亦題長句
清河書畫舫彭年云完菴先生以文章風節名天下
其詞翰畫筆尤爲吳中所寶致政歸時日與徐武功
韓襄毅祝侗軒沈石田諸老游每集多聯句而先生
爲之圖其胸中邱壑已自奇絕故見之筆底者莫不

臻妙

田按完菴畫流傳甚少余得一小幅乃贈恥齋者沈
石田題云溪山錯認浪東西茆屋人家竹樹齊不獨
米翁能拜石我於遺墨便頭低盡畫蹟水墨淹潤山頭
似梅花道人園亭竹柏類雲林石田題字摹黃雙井

題贈僧西田畫

水閣焚香對遠公萬綠都向酒邊空清溪日暮遙相望一片

閒雲碧樹東

明詩紀事

貴陽陳田輯

乙編

梁潛二十三首

潛字用之泰和人洪武丙子舉人授蒼溪訓導以薦遷四會知縣改陽江陽春永樂初召修太祖實錄擢修撰兼右春坊右贊善再遷侍讀中讒死有泊菴文

集十六卷詩鈔一卷

四庫總目潛文格清雋而兼有縱橫浩瀚之氣在明初
可自成一隊此泊菴集十六卷有文無詩集末有康熙
己丑辛酉濟裔孫天清續刻家集小引云泊菴公詩集
東里集用之爲文章馳騁司馬子長韓退之蘇子瞻
亦間出莊強爲奇務去陳言出新意古詩高處通晉

宋五七言近體詩皆可傳
抑菴集梁先生文如江河之流汪洋衍迤一與風遇
則波濶勃興魚龍百怪出沒隱見可喜可愕真當代
之傑作

井觀瑣言梁用之豐贍委曲亦當代一作家
田按用之五言選體爲多近體有唐人格律而時參
宋派永樂詩家最爲傑出詩集鮮傳錢牧齋朱竹垞
皆未見故所錄寥寥余所獲泊菴詩鈔乃用之曾孫
揭學士柄潔水瓊芽蓋芍藥芽也以代茶最勝惜在
嘉靖中刻於辰州者用之潔水瓊芽詩序云前代
北京時不及采而嘗之詩云每憶京邊事事佳還聞
灤水產瓊芽玉屑簇簇輕含雪紅甲重重映霞陽
菱初嘗須並美寄林新賜可同誇僊教采掇封題去
自是春泉煎雪花竊林武當茶也明初入貢品今豐
臺芍藥盈畦彌牘固丁掘載入市土大夫家供瓶孟
者在在皆是備掇芽而烹之爲芍藥增一故實亦爲
韻事也

蟠龍山

壯哉蟠龍山勢高凌青冥嵯峨控梁益幽森會神明稍見雪

山白還望陽臺青清湍落危澗散作萬壑霆平生磊砢懷奔
馳忽伶俜

暖翠軒

層軒亦何幽岩巍曠蒼翠前楹植松篁方池羅菱芰逶迤出
叢薄升高曠遐視丹崖絢晨暉碧澗凝頬氣遙睇雙鶴九
皋聞清唳何時始投簪相與暢幽意

送劉源澄

去年幽并行今年幽并行問君亦何爲歲歲入幽并幽并古
名都山河壯王城聖皇今龍飛崇朝邊境清登彼黃金臺浩
歌壺自傾臺下飛雪滿臺上春風生富貴何所望壯遊暢其
情安得復局促閉戶秋蟲聲

昔出

昔出今早還今還心獨苦慘慘中腸悲哀哀淚如雨反哺事
中乖萬鍾今何補重重雲中山一一來時路仰見慈烏翔不
知白日暮誰能當此痛大江浩東注

清風亭偶題

危構鬱岩峩下俯千仞湍清波既泓澄層峯亦上千玲瓏繡
戶開窈窕曲檻連丹崖絢晨景碧澗鳴芳泉時還鼓輕舠擊
楫泝迴瀾微茫桃花源爍爍芙蓉灣擷芳掇蘅杜結以蕙與
蘭蒼翠襲衣袂餘香復纏綿旣與幽人偕或隨漁父還安得
謝塵鞅相與終盤桓

夜次滄州分韻得光字

水淨月華冷露白秋風涼擊楫凌空宇渺然遡流光斗柄已
西揭鴻雁亦南翔笳管澈中夜遊子心慨慷冉冉歲華邁忽
忽鬢已蒼幸此斟酌同清賞安可忘

題趙文敏墨蘭

雲凝湘浦寒露下衡皋晚願言結紫蕤拂袂秋香淺佳人翳
彩纖九招不復返爲爾重多情極目吳天遠

春日詞

楊柳鶯黃春短短葡萄鴨綠銀鉗煖羅幃似有春風開如此
良辰郎不來

漁父辭劍圖爲胡學士題

日落昭闕暮煙紫東望吳中一千里江濤怒湧如雪山我無

羽翼高飛難感君意氣一回顧度卻洪濤心更苦腰間寶劍能言語解贈向君肝膽露丈夫相遇心相知傾情倒意何所疑窮途倉皇足悲慨此去道途猶險巇水有蛟龍山有虎知爾千愁復萬慮還君寶劍慎周防荆門路斷魂茫茫

賦馬臺

朔風獵獵塵沙起塞草茫茫幾千里西楚無人識霸王空有高臺臨泗水想當西被秦兵時諸侯膝行不敢窺萬金寶劍赤如電麒麟錦帶懸青絲日光鱗鱗射銀甲赤驃烏雕相雜遙帳中美人白玉璫轅門壯士紅錦帕此時歡樂登高臺一覽四方何壯哉三秦自可塞漢路咸陽氣色如冷灰豈知漢兵能楚歌八千子弟竟蹉跎芒碭王氣成五彩玉斗撞破當

奈何

過漢州

試問郭筒酒荒城是漢州野屯低草屋江水散渠流黑壤偏
宜秫黃蘆不奈秋共言王國近未敢暫淹留

八月十六日以進香發蒼溪

秋色蒼溪淨舟移別浦幽人情緣久住客路暫堪愁別鶴思
華表歸鴻想故傳五臺同望處猶自擬重遊

宿南充

舟人相報語宿處是南充小豆繁秋實歸鴉護晚叢江流通
閬水村酒勝郭筒明日應無雨灘聲十里中

過桂園柬澄心諸友

躡屐衝山霧褰裳拂澗霓猶因餘興在稍覺宦情迷晴廝眼
芳谷寒鱗躍錦溪甯辭山路遠騎馬已難棲

和汝器修撰病中見贈

空庭寒景短過午樹陰偏旅況如前日風情異壯年斷雲歸
遠岫去鳥入空煙暫此閒中趣誰令客浪傳

題環秀山房

聞說幽居好青山四面看遠村如粟里深谷擬王官芍藥開
新鴟芙蓉滿舊灣水聲晴作雨嵐氣夏生寒傍澗還裁竹開
畦更藝蘭池荷堪製佩園籜可裁冠載酒邀人飲携琴掃石
彈聞情長自遺世慮不相干鶴唳青邱外猿號綠樹端何由
過玉笥清諭罄交歡

舟中偶成憶孟潔

南北東西不暫停此身飄蕩似浮萍吟殘細雨春愁盡囁殺
幽禽午夢醒岷雪未消江最綠巫雲初散樹偏青當時別易
今難會望斷長亭復短亭

巴東

幾處人家絕似狙倚空架屋火新畚峽中夜靜天無月灘口
春深食有魚雨散陽臺神女廟鳥唳東瀼榜人居舟頭伐鼓
東風急坐矚奇峯翠滿裙

寫興

繞澗幽蘭紫萼芳隔牆佳樹上春陽不辭老子遭花惱政恐
南隣笑客狂曳屨放歌忘草澤濡毫題字愛簫箇同看佳氣

東南近蜀棧如何路更長

留重慶

地分巴蜀割乾坤石作層城倚塞雲山勢如龍通僰道江流噴雪下荆門綠槐舊驛嘶馳馬紅葉懸崖嘯暮猿久客倦吟謀盡醉提壺沽酒過黃昏

畦居閒題

藥圃斜通石徑柳塘淺築沙堤漁唱有時門外鶯聲只在林西

宿長壽

雨晴石坂不生塵地煖山青似春蕩槳小娃收晚釣剝羊蜀客賚江神

集芳園

海榴五月未開花紫澗幽蘭淺放芽老子閒敲棋局罷看兒噴水洗雛鴉

梁混

一首

混字本之潛弟洪武末爲瑞州訓導遷溧陽教諭改納溪永樂中辟蜀府紀善有坦菴集八卷

永思堂

羈禽戀蓬蒿離人夢鄉闇引睇西北雲中心增鬱紆桑梓日以遠歲月日以徂顧茲在萬里能不懷歸歟邱壠莽沙草況復春露濡筋力老且衰鬢髮日已疏所幸羈旅間而與骨肉俱投簪苟云遂回轂良易驅母用徒自傷加餐保君軀

李孝謙

一首

孝謙名本以字行鄞人有長林集

田按孝謙與弟悌謙爭代父役忠謙代父戍邊竟死
可謂孝友一門兄弟均能詩惜忠謙詩不傳

山居爲柯定安賦

四面青山障俗氛數家雞犬自相聞茆檐低礙巖前石木榻
高栖雨後雲晚徑樵歸憑鹿引秋林果熟與猿分從來懶入
桃源市自釀松花日半醺

李悌謙

一首

悌謙孝謙弟

夏日雨中

風雨蕭蕭水滿村迴無人迹過柴門重來海燕經年客漸長

新篋幾世孫已分生涯甘淡泊卻憐交友絕寒暄白鷗日日
江頭見心事相忘不復論

林環

一首

環字崇璧莆田人永樂丙戌第一人及第授翰林修撰遷侍講有絅齋集十三卷

題萬竿煙雨圖

濕雲凝煙吹不起寒影半沈湘江水湘妃瑤瑟悲夜長散作
雨聲蒼茫裏杜鵑怨春春始歸新妝翠袖曉娥眉愁魂飛去
人不知鸞珮墜地搖參差披圖卻憶長相思扁舟落日零陵

祠

林珪

一首

珪字崇信環弟永樂中薦授泉州教授有韋軒集

拂袖

拂袖賦還山山深足幽趣危磴瀉寒流秋聲度高樹境曠絕
行蹤白雲自來去

鄭關三首

關字公啟閩人有石室遺音

田接公啟公望兄弟皆能詩見曹石倉厯代詩選

山行有感

北邙多舊墓苔石侵枯骨借問葬者誰云是李與霍英名邁
千古此際何汨沒一日掩泉扃萬事從此歇人生天地間百
歲猶倉卒誰能免于斯多謀信爲拙

題南湖別業壁

家住南湖湖水曲依稀好似剡溪頭黃蘆葉暝常知雨苦竹叢深畏及秋月下漁樵煙際返夜深星斗鏡中浮莫嫌僻處多蕭瑟野性時時好狎鷗

送周又立

伯勞飛燕苦西東載酒看雲幾日同別後相思君識否斷腸多在雨聲中

鄭閻一首

閻字公望關弟永樂王辰進士授安陸州學正改無爲州終廣信教諭有抑齋集

閔畫記鄭閻能詩善畫

挽鴨秋山人

白湖小隱入雲間
憶絕心知淚自潛
花徑鳥歸春自好
衡門人去畫常闌
新詩空有澄江句
問字惟因載酒還
舊業荒涼偏可恨
蕭蕭煙雨閉秋山

鄭瑛

二首

集

秋夜泛舟

皎皎秋月明
颯颯寒露短
孤舟人未眠
霜花撲窗滿

漁父

數頃煙波淼
半窗風荻瀟
釣罷棹謳歸
去明月又轉溪

橋

鄭瑤一首

瑤字希玉瑛弟永樂乙未進士選庶吉士授刑部主事出知甯波府有訥菴雜助二集

江南曲

偶逢故鄉人寄書故鄉去妾家在橫塘門前兩株樹

李孟璠一首

孟璠名均以字行海鹽人以薦歷嘉興汝南訓導有

南莊集

金碧山水

雨餘山色煖如春人掩柴門過夕曛江上圖書和月載山中

雞犬隔雲聞東風瑤草香初滿流水桃花路不分此處仙家
渾不遠底須騎鶴訪茅君

李季衡一首

季衡名平以字行孟璿弟有西溪集

凌歛臺

凌歛臺高壯南國哭兀千雲天咫尺晶簾半捲曉風寒雕闌
倒映秋江碧臺邊轆轤金輿來盈盈一入花顏開英雄一去
不復返費殘棟委塵埃蜀山雪消清似洗岷江西來幾千
里此日豪華安在哉唯聞嗚咽臺前水

王誼

四首

誼字內敬紹興山陰人宣德初待詔翰林有鑑止集

田按內敬以事謫戍遼陽弟憚賦隔谷歌云兄羈囚弟露宿兄弟本連枝誰令隔山谷兄受饑寒日困辱弟欲救之力不足力不足可奈何願作高飛鴻銜之出網羅哀惻動人彌臻鵠鵠之歎內敬五言格意俱高

古風二首

妾家東城隅高門瞰中逵玲瓏結綺疏參差雕玉題旭日麗芳藻光風泛羅帷春花媚妍質徘徊處中閨調絃拂纖指哀響流輕颺聲悲節自促曲度雲行遲悵望知音遠華容非故時

崔嵬會稽山東截海濤碧松柏無冬春千歲淪琥珀中有煉藥土丹砂固精魄要我與之俱遨遊入無極奮衣欲遄征浩蕩雲海隔悠悠紫霞想未遂諧宿昔皓首乖願言臨風起悽

惻

秋日懷孟熙先生

倏忽成遠別幽棲仍薜蘿草芳經雨歇蟲響入秋多夜月柯
亭市涼風鏡水波相期盡一醉何日更來過

采蓮曲

郎騎紅叱撥妾上木蘭舟不及鴛鴦鳥雙飛共白頭

王擇

三首

憇字內悅誼弟正統初官溧水知縣有娛清集

田按山陰二王並以詩鳴內悅詩較麗密

石城曉

城角曉鳴鳴城西月痕墮城中春思懶楚夢薰蘭火玲瓏金

馬門玉珮聲瑣瑣紅日歷宮垣萬花眠貼妥

段七娘

度曲千金賤凝粧一面紅聲迷銅雀妓豔奪館娃僅白雪飄
朱閣香塵散綺櫳淚湔司馬袖腸斷使君驄秋水涵瞳潤春
山入黛濃弄簫驚紫鳳拂軫怨離鴻鏡展金鸞月釵橫玉燕
風謝娘收鉢匣瀛女掩香筒石竹參芳鬢芙蓉隱繡幙燈然
珠樹側人醉錦蓮中粲粲星輝戶微微露洗空幾年憐宋玉
今夕遇韓馮密意蜂攢蕊芳心蝶戀蕊春牋封荳蔻羅帶綃
芎藭步障重拋錦門鋪疊綴銅曲闌裝翡翠高榭蹀花蟲
睡煙濛柳烏棲月浸桐銀觥休鑿落瓊箭起丁東客散歌席
冷香晉睡閣融日高春夢覺嬌纈散花綬

送人之京

獨上水邊櫓離顏酒半銷城頭三鼓近煙際一燈遙海色將
沈月沙痕正落潮未能追逸翮回首跂層霄

陳叔剛

一首

叔剛名振以字行閩人永樂辛丑進士授主事改翰
林侍講有絅齋集

題心遠亭

幽興在南山何須遠城郭閉目謝喧囂冥心寄寥廓機忘沙
上鷗趣愜松間鶴亦有柴桑人來同林下酌

陳叔剛

一首

叔紹名振以字行叔剛弟正統乙丑進士除御史擢

湖廣按察副使有毅齋集

丹陽湖

積水涵太虛一望何瀾瀾
風瀾瀾輕縠霞光映文綺
遙山鳥外橫孤棹沙邊檣漁家
夜語聲深在蘆花裏

陳仲完

一首

仲完名完以字行長樂人知縣伯康弟

見甲籤

洪武

進士授延平訓導改甯國永樂初用薦擢翰林編

修進贊善有簡齋迂稿

田按仲完與兄伯康俱以詩名伯康卒於洪武中詩見甲籤仲完永樂初用薦爲編修進贊善侍仁宗東

宮以清貧稱仁宗登極先一年卒居贊善二十年不徙官楊文貞爲傳甚惜之仲完與蘇州陳完同名選家錄詩互有

參錯辨見後

賦得空江秋笛贈鄭浮邱助教

大江白露下秋氣橫中流翛然一笛響遠自江上舟洲前向
晚霽涼雨三弄分明作人語思逐飛鴻海上來聲隨白鳥雲
邊去須臾引羽轉清商蘆葉撼撼蒹葭黃鶯同少婦孤篷夢
攬斷羈人萬里腸駐宮又復變流徵銀河澹澹天如洗緩鶴
秋吟絕島雲蛟龍夜吼寒潭水祇今誰識桓伊心悠悠人世
無知音曲終徒倚重回首落月蒼茫煙靄深

陳寬

二首

寬字孟賢吳人檢討繼子

姑蘇志孟賢詩新麗和平頗得唐法
續吳光賢譜孟賢詩詞深苦命篇甚遲而工有姬辨
慧知書孟賢所爲皆能誦之時謂文書記

題沈恒吉畫扇

紅樹丹山領去舟蘋花香老不勝秋滄江風月誰人管且向
前汀問白鷗

訪包山徐德彰

青山湖上是君家有約來看巨勝花踏破白雲秋一片不知
還隔幾重霞

陳完 一首

完字孟英寬弟

田按閩人陳仲完有簡齋迂稿見福建通志晉安風
雅仲安錢塘懷古一律列朝詩集明詩綜錄作孟英
詩古人一詩互見兩集原有此例不足怪也至孟英
詩集余徧考吳人著述無有能舉孟英集名者詩綜
云孟英有簡齋稿豈集名亦堪假借耶斯不可解矣
孟英佳句如留客小篤偏恰恰可人飛捷故雙雙鳥

紗別製龍頭帽白芷新裁稱體衣鶯捎飛蝶穿花去
水學驚蛇抱石流柔櫓嘔啞移畫舫輕雷輶走香
車亦楊孟載
一輩人也

和徐德彰春日雜咏

蹀躞青驄款款騎淺村深巷柳如絲土牆茅草低低屋竹逕
柴門短短籬細雨一簾飛燕子香風十里醉花枝館娃溪上
春如海時有人歌白紵詞

唐庠

二首

庠字惟周湖州人

田按吳興二唐以詩名絕句殊有風致

題仲穆竹

湖州總管趙王孫玉潤冰清似此君拈出鳳梢三五葉白鷗

波上埽秋雲

小景

落日青山凝紫煙秋風殘葉雁來天五湖多少琉璃水處處
堪留載鶴船

唐廣 一首

廣字惟勤庠弟

田按惟勤自號半隱宋存理爲作唐半隱小傳亦風雅才也惜詩不多見

戲贈張伯仁陳邦器

白下橋邊楊柳枝新黃嫩綠正當時重來折入尋春手不比
樊川去較遲

徐章 一首

章字德彰吳人

田按德彰與陳孟賢兄弟唱和稱爲好事詩亦清穩

與陳未菴施堯卿秋夜話舊

空江煙雨送秋歸黃葉蕭蕭獨雁飛
新接笑談三宿共舊遊
心事十年違燈因坐久花頻落酒爲寒
多力漸微明發不堪
回首望別情吟思共依依

徐震一首

震字德重章弟

震澤集德重少從陳太史嗣初學詩有平項羽廟雖
陽懷古輒岳武穆諸詩傳播人口
田按列朝詩集稱德重名列景泰十子余檢明史藝
文志云劉溥與蔣忠王貞慶晏鐸蘇平蘇正湯治
續王淮沈思鄒亮稱景泰十
子無德重名蓋傳聞吳詞也

包山寺

屋下清泉屋上山薜蘿深處扣禪關尋僧欲問三生話策杖來偷半日閒雁沒浦雲秋色外鶴歸庭樹夕陽間人生爲惜歡遊少石壁題詩紀往還

蔣主孝

四首

主孝字務本儀眞人徙句容有樵林摘藁

筆精淮南蔣主孝自號樵林居士諸家選詩皆不及焉有五王擊毬圖云毬門高結春如海紫袖垂垂翦雙彩薛王力倦宋王來興廣宮前花正開侍兒弄笛申王醉更有歧王擁花睡春風不動草如鋪兄弟相隨入畫圖黃門掩入五花帳官奴設鼓花奴唱博山火焚水沈香富貴從來自天降遲遲春日下龍樓花萼元張思廉亦伯仲間也

田按樵林居士述楊仲弘之旨詩取才於漢魏而音律則以唐人爲宗故所作時有合處與弟主忠均以

詩名景泰間主忠
名列十子詩別見

居燕旅情

不上黃金臺早歌歸去來平沙無草木短褐有塵埃故里愁
言別明時敢論才燈前一舞劍豪氣轉成哀

寒食夜

細柳垂秦苑棠梨出漢宮可憐寒食夜空自怨春風

春行

江閣雲籠樹溪流水泛花相蓬浣紗女不敢問誰家

春俠祠

金鞍赤馬紫羅袍錦囊銀柶插佩刀不道黃鸝解人意隔花
偷啄白櫻桃

明詩紀事

貴陽陳田輯



曾棨七首

棨字子啟吉安永豐人永樂甲申以第一人及第授

翰林修撰歷侍講侍讀學士左春坊大學士進詹事

府少詹事卒贈禮部侍郎謚襄敏有集十卷

詩藪宣廟好文海內利豫雖大手希間而名流錯出
若曾子啟劉孟熙張靜之李昌祺及閩中諸王輩皆
浸潤明風解脫元習然才俱不甚宏鉅非國初比
東里集太宗皇帝龍飛第一科進士中簡明秀通敏
者二十八人就文淵閣盡出中秘書俾進所業朝暮
大官供膳月給內帑鈔爲膏火費蓋期之於古人曾
君子棨其首也後有薦文士於上者必問得如曾棨
否子啟爲文章如源泉混厚沛然奔放一毫千里又

如圓林得春羣芳奮發組繡爛然可觀可悅賦詠之體必律唐人興之所至筆不停揮狀寫之工極其天趣他人不足己嘗有餘工書法草畫雄放有晉人風致自解大紳胡光大後獨步當世抑菴集會公爲文思發如湧泉大篇短章各極其趣縱逸若秋隼奮揚天驥決驟不可追蹤殿閣詞林記洪武永樂洪熙宣德四朝近侍官輪班入直若本院官則日在館閣吳沈劉三吾胡廣楊士奇胡儼王英王直輩嘗有內直倡和詩曾棨東華門內新館初成入直有作云東華樓觀鬱岩聳高閣新碧霄祕府圖書金作匱御溝流水玉爲橋草分承殷轎鳥弄歌聲和舞韶常直幾番清坐久隔瓊瑤言曾子啟詩佳處不減嵐體有御香飄蓋當時車駕常臨幸館閣故也

因騎鷁也蕭何其態爲雅觀瑣言少贊該博逸蕩其才長於七言古遂切直健行路文貞以繁靡爲累故永成間多效其體先輩于遺少上言曾子子房之贊嘗嘆諸公五相宗尚亦一時藝林風氣使然延燒召子榮煌二作頗不失唐家聲天如封節度幕兵東征鮮華雜沓精弗罪援也筆立就佳之賜寶帶又病卒且氣絕呼酒

飲至醉題曰宮簷非小六十非天我以爲多人以爲少易簾蓋棺此外何求白雲青山樂哉斯邱

明詩

選陳卧子曰學士詩如南金在握未入丹鼎又

如金羈

玉勒微有啼噭之恨

按洪武中選舉人張唯等肄業文華堂

永樂二年甲子三入進學文淵閣世比之二十入宿所得人才爲多

南山東

二省承樂時則合天下之士而精其選也二

十人者

永豐曾棨吉水周述周孟簡羅汝敬劉子欽

秦和

楊相王直余學夔廬陵王訓安福彭汝器李

海

甯沈升餘姚柴廣敬金谿王英懷安洪順武進段

民江甯

楊勉會稽章敞晉江倪惟哲慈谿陳敬宗衡

世

北蔡酒李時勉其表表者也子啟未第時見賞於

袁添

祿開化吾紳子啟及東王西王南祭酒陳光

山

解大紳爲作蓮竹堂記其文章爛漫亦頗似大紳不

甚持擇

故遭譏議然論才人於永樂時終爲軼羣之

也駿

陳員外奉使西域周寺副席中道別長句

漢家郎官頭未白扈從初爲兩京客忽逢天選五色書萬里
翩翩向西城腰間寶劍七星文遠旗大旆何纘紛解鞍夜卧
營中月攢巒朝看龍上雲黃沙斷磧干迴轉玉關漸近長安
遠輪臺霜重角聲寒蒲海風高弓力轉茲行騎從厯諸蕃
帳依微絕漠間殘煙古樹羌夷聚遠火荒原獵騎還蕃酋出
迎通漢語穹廬葡萄酒如乳舞女爭呈于闕粧歌辭盡協韜
茲譜當筵半醉看吳鉤上馬便著錦貂裘山川遙認月支窟
部落能知博望侯草上風沙亂騷屑遼頭日暮悲笳咽行道
天盡始回轍坐對雪深還仗節歸來雜遯宛馬羣立談可以
收奇勳卻笑古來征戰苦邊人空說李將軍

田按陳員外名誠字子魯吉水人永樂十一年西域
哈烈諸國來貢京師及歸帝命誠及戶部主事李過

月酉逢羌沙勢知京子誠乏紀來在古早葡羊照子羅指
驥長總苗道戰名拜啟郎與山貢皇蹟聽萄沙戎啟布揮金哈藍伯
翼拜是多路伐天命復中其川文仁行歸首際衣之外諸物分賜其酋長
晨迎舊乘長道連重有明飲之豹覆行鴻禧沒輪臺王希範詩中官
嘶張蕃月山傍白爲送年食險西育見紫羌民雪滿
苜繡王暗繞空草萬陳諸衣易馬中白駝胡民雲煙滿火蓬人云少劍佩其酋長
蓿帳重捲高築寒里郎國服人及十草夜若煙滿詩中官
煙羌宣戎昌受沙行中再言民他三寒度思火蓬人云少劍佩其酋長
百姬恩衣遺降遼河重貢語之方年誠處河云中少劍佩其酋長
寶歌詔半碣城路隴使及好多物誠處河云中少劍佩其酋長
嵌舞向帶在玉遠壺西還尙寡誠等處月旌微蒲珮其行也
刀散窮霜草闕黃漿城帝之士因還同騁旆茲海關也
珠金邊不遮迢雲還詩復不墮進哈莫馬晨征總空出京就
飾錢蕃用姑遞古出云命同之所烈言萬國渤海雄恩稀
三靶蒲落殷默塞蹟候馳誠詔肥作西諸國氣宣雁威官
部葡依勤廢雲平伊驅濟付瘠西城復崑崙風玉德蕃河贈文
人夜稀通城黃御西宛書之費城史蓄行過崑崙風玉德蕃河贈文
知醉似譯荒西憶部馬幣行是匪昔語閑陟漢落入報館之程使外黃關不部秋誠綺
是匪昔語閑陟漢落入報館之程使外黃關不部秋誠綺
漢紙年相聽流家總神之擢饒記偕總沙春待牛色詩紗

張騫王行儉送陳郎中子魯
見霜雪破征裘還家不論千金橐佩印須爲萬里候想
重使西域詩云故人好文仍學武早歲出身事明主
載筆會經直玉堂分陝還聞佐藩府前年復拜漢仙
郎遠傳天詔向退方辭家不作兒女悲上馬甯憂道
長驅直曉出蕭關北莽莽黃雲望空礮錦帳迎風
夜宿連朱旛捲空軍行疾揚鞭迢迢過伊西部落多
因水草移樓煩城郭居人少饑勒沙場煙火稀手持
龍節經諸國橫行直欲向西極畫角寒吹月色殘吳
拜鈞龍醉拂霜花白番王幸覩漢儀型瓊裘夾道多歡聲
恩寵百輿不但設供帳職貢還隨朝玉京五色駿
此酒歡來相餽英豪漫說周旋思又勤說有三載
施悠游處番部重迎使者車薊城官舍春閒宴金樽
經行處孟簡錢習禮詩見後周

題王學士所藏王孟端老檜蒼崖圖

王郎工畫妙入神平生強項世所嗔有時興至自盤礴睥睨
已喜旁無人忽然放筆作古檜白日煙雲倏冥晦淋漓盡帶
雷雨垂慘淡長疑鬼神會古藤纏絡枝相繆屈鐵磊砢臘蛟
虬左掣右搜飛不去崖石欲裂山精愁王郎一生何不遇五
十得官嗟已暮胸中時吐氣嶧嶧半落蒼崖化爲樹知君愛
此長蕭森藏之願比雙南金秋來恐有乘槎客泛入天河無
處尋

龍支行 有序

唐穆宗時遣大理卿劉文鼎出使吐蕃道成紀武川
以至龍支城耆老千人拜且泣問天子安否言頃從
軍戰敗於此今子孫未忘唐服朝廷尙念之乎兵何

日來言已皆嗚咽密聞之豐州之人也

龍支城頭暮吹角黃雲蔽天沙草薄虎鬪使者長安來特麾擁蓋邊塵開城門盡是胡兵守城外老人多白首拜迎使耆雙淚流問云天子今安否自言家世豐州住少小辭家隸軍戍吐蕃連日犯蕭關胡騎長驅涇隴間將軍戰敗鼓聲絕棄戈遺鏃墳丘山自從陷沒身爲虜五十年來在邊土依棲部落作蕃人生長兒孫盡胡語朝看烽火望中原夜聽鳴笳憶故園頽垣敗屋誰家宅斷磧荒蹊何處村奉使還時報天子早遣官軍復清水假令年老身歸死已免遊魂作胡鬼

海子橋

鯨海遙通一水長滄波深處石爲梁平鋪碧甃連馳道倒瀉

銀河入苑牆晴綠乍添垂柳色春流時泛落花香微茫迥隔
蓬萊島不放飛塵入建章

送彭巡檢子韶赴閩

送君南去片帆歸五月薰風白紗衣路繞閩山征騎遠月明
蠻徼邇兵稀桃柳綠暗經殘雨荔子紅垂映落輝小弟衫闌
煩寄語客心長伴鵠鵠飛

曉渡章江

日落西山欲曙天渡頭人語古城邊鐘聲杳靄臨江戍帆影
參差隔浦船幾處蘆蕪深夕露萬家楊柳驛晴煙年年過客
頻來往誰復東流嘆逝川

揚州

翠裙紅燭坐調笙一曲嬌歌萬種情二十四橋春水綠蘭橈
隨處傍花行

周述二首

述字崇述吉水人永樂甲申以第二人及第授翰林編修進諭德再遷左庶子有東墅集六卷

四庫總目述及第時與從弟孟簡同榜成祖至比之二蘇史亦稱其文章雅贍然其詩不出當時臺閣之體

維楊懷古

廣陵河上路煬帝昔曾過不見璫花發猶傳玉樹歌臺荒衰柳在宮廢亂螢多欲問前朝事悲風起夕波

踏雪

一路寒山雪未消尋芳不惜碎瓊瑤梅花昨夜將春色開到

江南第幾橋

周孟簡

一首

孟簡述從弟永樂甲申以第三人及第授編修進翰
事府丞改襄府長史有急就西垣兩京吟槩

田按孟簡登第後授編修二十餘年始遷詹事府丞
又改長史仕宦可謂不達王行儉李古廉云然竹垞
詩綜僅稱官詹事府丞疏矣

送陳員外使西域詩

有序

司封員外郎陳公子魯邑之賢者也以明經登進士
第列官於朝屢使蕃夷克舉厥職永樂初拜擢今官
今年秋皇上欲遣儒臣有文武才者遠使西域大臣
以子魯薦命下之日子魯踴然喜動顏色告諸寮友

曰士生明時得委身於朝苟可効涓滴雖鞠躬瘁力無所遜避西域雖遠聖天子聲教所暨之地也於是治裝告行嗚子魯其賢矣哉視萬里若出戶闔雖殷大夫何以過之予於子魯居同鄉學同志復得相與宦遊於兩京欲已於言得乎遂賦詩歌以識別

金臺八月驚寒早一夜清霜零白草故人別我出都門西風萬里交河道憐君草莽一書生曾是高皇知姓名揮毫每視金鑾草乘傳屢入南交城只今又作鳳池客天語傳宣到番國郎官不減舊聲華聖主非常賜顏色新錫貂裘不憚寒壯遊誰道別離難流沙只合吟邊度葱嶺惟應馬上看看山對景多行樂張騫偉績今猶昨聖主當圖絕漠功丹青好畫麒麟

王直十五首

直字行儉泰和人永樂甲申進士選庶吉士厯修撰
仁宗卽位遷侍讀進侍讀學士右春坊右庶子宣德
初進少詹事正統初進禮部侍郎尋進尙書改吏部
景泰帝卽位加太子太保進少傅以易儲進太子太
師英宗復辟乞休天順中卒贈太保謚文端有抑菴

集四十卷

四庫總目直詩文典雅純正有宋元遺風自永樂初爲
庶吉士卽承命入閣典司制誥翰林二十餘年朝廷
著作多出其手當時與王英齊名有西王東王之目
而直尤爲老成巒然負一代重望明自中葉以後文
士始好以矯激取名直當宣德正統間去開國之初
未遠淳樸之習猶未全漓文章不務勝人惟求當理

故所作貌似平易而溫厚和平實非後來所及雖不能追古作者亦可謂尙有典型者矣

水東日記王抑菴先生典選遇不如意事好誦古人詩以自寬一日有新得給事中卽欲干撓選法者曰偶然題作木居士便有無窮求福人御史有言吏部進退官不當則曰若教鮑老當筵舞更覺郎當舞袖長要多切中云

杏園雅集詩

穆穆春陽杏華旣繁爰與君子樂此中園鳴鳥在上芳草在下惠風徐來心焉孔豫豈無旨酒亦有嘉穀載勑載醑以永今朝時之和矣物亦遂只天子萬年德音不已

翰林記正統二年三月館閣諸人過楊榮所居杏園燕集賦詩成卷楊士奇序之且繪爲圖曰杏園雅集

預者三楊二王錢習禮李時勉周述陳循與錦衣千戶謝庭循也榮復題其後人藏一本亦洛杜之餘韻云

下衛河憶前行諸公

移舟下前浦風急衛河深極目曠千里悠悠西日沈永懷白雪唱自和滄浪吟煙波何處泊徘徊勞寸心

題山水畫

冥冥芳樹春杳杳青山暗幽人載酒行耽此靜中趣還擬問漁舟深入花源去

題天池石壁圖

石壁凌蒼蒼天池在其上層巒巒巒崔嵬積水浩奔放飛流且百仞峻拔非一狀迢迢松下人雅尚與之抗披襟滌塵煩極

目喜幽曠遠將勝區廬近欲踰雁宕予意良亦然臨風默惆
悵

下銅塘口

泛舟銅塘口
穢出樟樹鎮
江迴水百折
風雨一何盛
望望洲渚長
迢迢人煙暝
牛羊被阡陌
桃李紛相映
人家依古樹
寂寥柴門靜
徘徊念鄉邑
山川邈遙負
誰謂行路難
棹歌滿清曉

西南夷以麒麟獅子諸物來獻有旨賜觀退而賦此以
進

聖皇端拱如堯羲深仁大德均華夷昆蟲草木各生遂四方
萬國皆恬嬉西南夷在荒服外自昔窮處天涯只今感德

爭貢獻梯山航海來京師麒麟當前旅庭實天朝上瑞安敢
私腐身牛尾號類馬有角不觨稱仁慈回翔中庭鳴應律從
以額額黃金獅雄姿猛氣乃柔伏蒙賛領下舒鬚形紅纓錦
帶巧繁絡左顧右盼鮮飈吹龐然福祿從古稀進退馴擾不
受羈黑章白質相間錯晴日正照光陸離神羊巨尾挺玉脂
彩輪輿曳參追隨馬哈毛質亦甚奇兩角彎曲垂半規矯矯
獮猴霜雪資下視赤豹憎黃羆祥烏皓彩奪人目振翮還欲
搏朝曦駭雞七尺好羽儀飲啄不羨山梁雌元裳綺袂閒
暇警曉曾上蟠桃枝紛紜前後若有喜共逐麟趾登彤墀天
門大開玉色怡慶雲燁燁垂九芝千官趨朝儼在列鳴環曳
珮紛逶迤懽呼拜舞頌明主若此嘉祥天所爲周南想像託

賦詠豈若親見當時皇圖聖壽同天地彌憶萬歲長如斯
小臣作歌愧荒陋匪勉上繼唐虞詩

田按承宣兩朝瑞牒連翩象胥雜沓奇獸珍禽暨見
賦頌巍然其形移玉山雪色毛鮮湛秋水姚少師廣
壯尾吾之錄李祭酒時勉賦獅子也肉駿麟臆蘭筋
玉質赤豔紛敷龍鱗潤澤目如紫電尾若流星不資
牝牡神化流形胡祭酒儼領龍馬也索質立章雲舒
霧渺匪匹包而鳳陞角而麟梁侍讀潛歌羈虞也祇應
元氣母孕此石腸兒錢修撰仲益紀神龜也西殞瑤
草入崑崙東啄瓊芝栢若木周尚書忱咏白烏也與
鳳同類踰贍於帝舜之庭如玉之輝晉翟在周玉之
兮揚微青冠雞紫兮尾魚赪發丹邱兮越赤城高經
歷得陽賦青鸞也海南之國卜利哇乃有此獸出大
麓奇文間錯分黑白毛質無瑕瑩郊玉超騰迴覺長
風生一鳴解使百獸伏金少保幼孜耿玉超騰迴覺長
若玄兔白雉靈犀白鹿之屬更僕難數太保王公此
詩與夏忠靖原吉聖德瑞應詩會萃一篇更爲賅備
夏公詩云聖主膺乾運垂衣鳳八區道隆堯舜此功

茂禹湯俱蕩蕩三邊肅熙熙兆姓娛普天歌至治率
土發聖儲爰有諸蕃國能忘萬里塗隨槎超渝漫獻瑞
効勤劬渺渺來中夏惄惄覲帝居麒麟呈玉陛獮子貢金鋪紫象靈山種駢駒渥水駒駢難同鶴
豹擬驕虞祿身紆錦囊羊尾載車霜姿狻猊異長角
獸尤殊採櫂奇音鳥雕龍畫色烏玄極三尾曳山鳳
五花敷日上龍墀麗風回貝闕迂禮官躬典設蕃使
肅奔趨仙掌開丹辰祥煙散紫微重瞻欣一顧百辟
震三呼茲豈尋常致端山聖化孚旣將昭常德尤
足壯神都炎漢何能擬姪周莫並驅拜瞻嗟慶幸稱
贊愧荒疏惟願皇風洽仍祈化日舒鴻圖千載固聖
壽前年餘

賜遊西苑詩

圓殿巍巍近紫薇宸遊常得奉慈闢丹楹仰見神龍繞繡樞
還看彩鳳飛一統皇圖天廣大萬年聖德日光輝比隆惟有
唐虞盛此外應知似者稀

綺構憑高倚北宸洞門斜轉上嶙峋金鋪宏敞甯知暑青瑣

虛明不受塵仙卉花開騰鳳彩古松枝偃露龍鱗臺前池水
涵空濶散作恩波四海均

萬歲仙山玉疊成御池千頃鏡光平渾疑弱水通三島還似
崑崙接五城繡羽錦鱗春意滿瑤林琪樹午陰清靈臺靈沼
傳周雅此日謳歌頌聖明

詔許觀遊到九霄玳筵賜宴接金貂玉壺美酒葡萄溢寶鼎
珍穀芍藥調翠柳低垂潭解舞黃鸝婉轉似聞韶愚臣何幸
蒙恩澤願效涓埃答聖朝

田接東楊賜遊西苑詩及序已具錄別卷行錄此四詩亦同時賜遊作也又東里集有賜遊西苑詩序與東楊所述略同末云士奇預侍宴間於茲屢矣東里又有遊西苑詩云廣寒宮殿屬天家晚從宸遊駐翠華環液總領仙掌露金支皆插御筵花棹穿蘋藻波闊雪旗飈笑蓉水上霞身世直超人境外玉盤親捧

孫如瓜附
錄於此

遊萬歲山詩

路過龍池得勝遊長橋中斷卻容舟三門竚峩煙霞迴萬石
空嵌洞壑幽艮岳雲昏疑帶雨康干松老不知秋山下一石號慶雲萬
徧奇峯蓋艮岳之絕奇者又有康干石康干遠國名石乃松木入河水浸漬久而成者其木理宛然重來最喜蒙恩澤絕勝驂鸞訪十洲

田按抑菴此詩有序云六月七日陪少師少保及諸學士於太液池上焚三朝實錄草本詔許遊萬歲山觀前元遺跡中官引自圓殿後度石橋橋中空二丈許用一大舟寘其中以通行者既度入山門門有三中爲御路衆從左右門入山背奇石疊成相傳金時取宋艮岳之石爲之至元增飾加結構焉此詩末云重來最喜蒙恩澤蓋在賜遊西苑後矣

題范啟東秋江捕魚圖

我家住在澄江上曾羨漁翁盡日閒舉網得魚供酩酊傍岩
耀足弄潺湲芙蓉浦裏晚花淨楊柳汀前秋葉斑此日看圖
動遐想鷗波浩蕩幾時還

題畫

危岑離立千仞峭石孤撐數尋風清竹外微暑日轉松間薄
陰天闊最宜遠望亭間正好長吟眼前飛瀑如練更愜幽人
素心

夜泊

灘水微茫清見沙隔河荒草少人家舟中夜起看北斗霜露
滿天山月斜

王英

七首

英字時彥金谿人永樂甲申進士選庶吉士厯修撰侍讀仁宗卽位進侍講學士再遷右春坊大學士宣德中遷少詹事正統初擢禮部侍郎進南禮部尚書

卒謚文安有泉坡集

田按泉坡早結主知雖陟清華未及柄用史稱好規人過故與三楊齟齬不合余觀東王祭泉坡文云出入朝廷敬恭將事不苟而同不矯而異可以知其旨矣詩五言如良玉纊栗迥異當時臺閣之體

六賢詠

待制本儒生素心亦何烈臨危仗孤劍誓死以殉國蛟龍爲悲吟天地慘無色殺身良獨難求仁義斯得費待制歸

劉公廟堂器制行超羣儒累遷陟華要獻替多謀謨解組值衰暮歎歟返長途全軀效子容知止儕二疏周詩詠明哲清

風其穆如

劉工部傑

渤海事文翰景範肅芳規一命才未究情哉時已危悲懷近
故域颸睇掩荆扉薄採南山蕨莫充首陽饑遺生竟誰待視
死乃如歸

陳渤海介

文貞尚儒雅探索古聖經蜚騰冠羣秀久爲幕下英乘棟重
興歎道在時不行慷慨力陳言沈冥獨撫膺未能效仙尉竊
自比仲卿

葛都事元諦私謚文貞

伯遠負奇操肅然佩珩璜守官非狗祿蹈世嘆危亡鳳凰本
靈烏其鳴待朝陽頽光不足惜振翮干仞岡

王博士彰

鳴陽有佳士金玉麗厥躬擔簷師先覺琢礮德彌充辭華若
利劍揚馬避其鋒懷寶終不售抗志靡他從勉遵宣尼訓固

守君子窮

朱徵君真

阿魯台受封後遣其幼子入侍

遠分符券冊天驕恩似春陽及草苗膚騎萬人先納款蕃兒
十歲也歸朝舊垂髽髻纏宮錦新賜珠纓珥漢貂暗想黃雲
砂礱裏托身何幸到青霄

章倣

一首

敝字尙文會稽人永樂甲申進士選庶吉士改刑部

主事厯員外郎中改吏部擢南禮部侍郎有質菴集

送李推官謫湖南

玉陞朝承明主恩扁舟八月下荆門斷煙斜日荒山路野水
寒鴉獨樹村江浦潮聲天外遠衡陽秋色望中昏鷗鳩聲裏

湘江暮賦離騷怨斷魂

余學夔一首

學夔字一夔泰和人永樂甲申進士選庶吉士授翰林檢討進侍講有北軒集

田按侍講與修兩朝實錄宣德五年實錄成敕吏部進纂修以下官疏自陳老疾竟不加官而去士論高之楊東里稱其明經博古負直氣侃侃遇事徑發不肯苟阿徇蓋古之君子也詩亦軒爽

送胡中書教授臨江

十載抽毫侍御筵傳經鄉郡理歸船天低玉笥浮雲外水遼清江夕照邊賓館春醪從客醉鳳池詩句許人傳養親正喜鄉園近何用臨歧更惘然

章樸一首

樸字原質南海人永樂甲申進士選庶吉士坐收藏
方正學遺文死

田按永樂時藏侯城文者罪至死迄今遜志齋集軒
軒天壤間公論所在雖峻罰不能令其泯滅也原質
坐是以死哀哉

臨刑詩

面母終無日歸魂定有期空令二三月鵠帶血痕唳